


OMUKWETU

Registered at the General Post Office as a Newspaper





OONTOKOLWA DHEPANGELONGERKI

Omudongerki

Omudongerki tau hovele moAdvendi yotete. Oshitya "advendi" sha dja moShilatina otashi ti; euyo. Pefimbo loAdvendi ovakriste tava teelee euyo lomwene Jesus Kristus, Eeshoondaha nhe domuAdvendi tadi tetekele oshivilo shedalo laJesus, oKrisimesa. Efiku etivali laKrisimesa olo efiku ledalo lOmukulili. Efiku etivali laKrisimesa olo lovahepaululihonde votete, nde otali dimbuluka yo vakwao va yandja omwenyo molwedina laJesus. Stefanus oye omuhepaululihonde omutete nefiku eli ole mu lukilwa. Efiku lefyo lovahepaululihonde tali talwa ngefiku lokudalwa kwavo.

Omudo mupe wopandjalulamafiku o-twa hovele mefiku lotete lomudo, tashi ti mefiku lotete laJanuali. Mefiku olo Jesus okwa pewa edina laye, nosho fiyo onena efiku lomudo omupe otali kala li na oshipalanyolo eshi Edina =Jesus.

Efiku lovapaani olo efiku etihamano laJanuali tali dimbuluka ovakonakoni veenyofi, eshi va konga Jesus nde ve mu mona noku mu etela omaano noku mu fimaneka. Efiku olo mongerki olo olokudimbuluka ovapaani noshilonga shetumo.

Mondjalulamafiku ohatu mono Eeshoondaha di na omadina ngashi Seksagesima. Oshoondaha ei oyo onhihetatu manga oshivilo shapasha inashi fika. Septuagesima oyo Oshoondaha onhimugoyi manga opaasha inai fika. Omhito ye idiliko otai hovelifa efimbo lelidiliko olo tali twikile fiyo opasha. Eongalo laKalunga otali kala melidiliko nome lidilululo nomeilikano nomoluhodi liyapuki mokushikula ekondjo laJesus lokondjifa eenghono domilaulu nomahepeko aye. Elidiliko eli, otali shikula efimbo lomafiku omilongo nhe, la longifwa kuJesus mokulidilika kwaye.

Oshoondaha yoivale otai hovelifa oshivike shomahepeko. Eongalo otali onkala efiku keshe moshivike osho, okudimbuluka ondjila idjuu yaJesus. Efiku lefyo lOmukulili nefiku lenyumuko laye, omafiku oo oivilo inene mongerki. Sha longwa sha pwa!! Jesus okwa nyumuka!!

Okudja kefiku lenyumuko fiyo okefiku lelondo, omu na omafiku 40. Pentekoste = omafiku 10 okudja kElondo = omafiku 50 okudja kenyumuko.

Oukwatatu... hatu dimbuluka: 1) Kalunga oye Tate yetu, oye Kalunga Xe. Tala kehepaululo leitavelo lOvayapostoli! 2) Kalunga Omona, oye Jesus Kristus Omukulili wetu. 3) Kalunga oye Omhepo lyapuki.

Efiku laJohannes Omushashi manga ku na eehani hamano oKrisimesa inai fika, muJuni.

Efiku laMikael olo olovaengeli nolounona, mulo omu na yo oivilo yeefikola dOshoondaha momaongalo. Oshoondaha yepangulo oyo Oshoondaha yaxuuninwa momudongerki. Oku na yo Eeshoondaha Tala kep. 6

6. Efadho lyomumbisofi lyomwedhi gumwe ndyoka lya li lya fanekelwa li tameke konima yoshigongi shaasita, olya lundululwa li ka kale muDesemba numvo.

9. Isak Veijo, Nkurenkuru, ngoka a adha ostanda onti-10, Matriek, noku na ehalo okuyakula Ongerki moshikandjo shokupangela iihauto, Epangelongerki lya gandja oshimpwiyu komukuluntutumwa M. Ihamäki naVeikko Teinilä kOkavango, ya longekidhe ompito yekwatho moshinima shiimaliwa nehala mpoka ti ilongo. Epangelongerki otali popile eilongo lyaisak.

10. Epangelongerki lya taamba nolya koleke efaneko lyokangundulongekidho kiinima yaKavango: Omudiakoni Naftali Lihongo, a ze moNkurenkuru, a ka yakule moshilongatumo koGava, nomudiakoni Markus Kankono a tembukile koNzinze.

11. Epangelongerki lya lundulula ontokolwa yalyo onti-13 yEpangelongerki lyeti-27-28/7/1971, ndjoka ya li ya tokola eyapulo lyaasita aape li ka kale ko muDesemba 1971. Ngashingeyi opwa dhimbululwa nopwa uthwa eyapulo li ka ningwe momumvo tagu ya 1972, ihe aalongwasita ya langekwe ngashingeyi miilongagongalo noya longe ngashi aasita, sigo ethimbo lyokuyapulwa tali ka uuthwa komumbisofi pawe nEpangelongerki.

ENGELA LA NINGA EEDULA 50

Enongelo lOvayakuliongalo, Engela

Onhele youteku wovaviyauki momaongalo omongerki yOwambokavango, mEngela, oya shituluka paife ngafimbi, nde oya djala oluvala li shii kushila ovapitipo aveshe. Omatungo mawa oshinanena lela, okwa tungwa ponhele ye liyepa nosha twala paife omutamomo wEngela u tanda-vele kokule.



Omufitaongalo Jasia Mufeti

nhu wEnongelo Rev. Josia Mufeti, okwa ti kutya:

"Venya mokutungu okangulu kotete "Mungela" kakwa li ve na omadiladilo aashi tashi monika paife, Ove shi ninga ve limonene omuhongi moUkwanyama ngashi va li tave mu kondjele tuu shili. Ekondjo lavo, tate Mufeti okwe li ulika noinima ei:

"Ova longifa eedopi, omunoko, omihongo, oihati neembale. Enota inali va fifa ounye, ou le weendjila inau va tjoololifa, eitavelo inali dima koushima nokokushiiwa oilonga yongulu nokomhumbwe yoilongifo ya li ya pumba. Ondjabi oyo kwa li hava futwa, inave i yavala".

Eshi osho sha li ehovelo lonhele oyo yomEngela. Konima yeedula nhe, ofikola yokau umbo oya dikwa komutumwa Suoma Hirvonen nelalakano oukriste u kulifwe moshiwana shOvanyama noilonga yomake i henifwe komesho.

"Omu omwa pita ooina vahapu voshiwana Shaukwanyama ovo va etela oshiwana elao lopamwenyo nolopalutu," osho omukulunhu wEnongelo Mufeti a hokolola.

Omundjodjomoko womadina ovatumwa vomwene ava va longa mofikola oyo youkadona, owe yafiyo mumeme Aili Mwatotele oo eli natango moshilonga sheyakulo mEnongelo lOvayakuli. (omudalelwamo)

Ofikola yovamati oya hovelwa kuValde Kivinen (Manya) 1926, ofikola youyevangeliste oya dikwa kuN.Bjorklund 1941 novayapulwa votete ova yapulitwa oshilonga shavo eti-23. 1. 1944. Paife eshi Engela ola pitifa ovaudifili vevangeli 153.

Ngudu ei oya dikifwa komhumbwe yokutwala evangeli momikunda meendelelo, ngashi omufitaongalo Mufeti okwa ti kutya:

"Okwa li hava ende eumbo keshe, va hange eumbo keshe, omunhu keshe".

Ofikola yaava va pukululwa mehongo lesasho oya hovelwa kuErkki Hynonen (Kapunda) 1950. "Okudja apa edina lEngela ola ndjudjukununwa kanini," osho tate Mufeti a tya meholololo laye.

Omatungo aa okwa kwatelelela mo eengulu do vanafikola okulihonga, dokunangala dokupungula nosho yo omaumbo ovalongi vavo. Onhopa opo i li natango oyo ya twala eemha di mEnongelo likulu olo la tekula konyala ovanashilonga aveshe ve li mongerki yaElok moule wedula 50 da ka pita. Sha hala okutya, eemhumbwe domayakulilo odi li po natango dihapu, onghe onhele ikulu otai humbata efimano layo mokuyakula vahapu moinima ihapu.

Eyeululo lonhele ipe yEnongelo lOvayakuliongalo, okwa li la idilila mo oshivilo sha ku la sheedula omilongo nhano eshi okangulu ko tete ka tungwa mEngela noka hovela oilonga yako muNovomba 1921. Mehokololo lomukululu-

Opaasa yuukumwe 1972

Opulanda otayi kongwa ngashingeyi koongerki adhihe dhomuSuidwes, opo nge tashi vulika oongerki adhihe dhi ka dhane opaasa mehanganano limwe omumvo tagu ya. Edhiladhilo ndika tali kondjithwa unene kaasita-gongalo yamwe mongerki yOombulu (N.G.) olya gongalelwa lwotango muMaalitsa nuumvo nomujuni mOvenduka, nolya mona epopilo ewanawa mongerki yaAnglikani, yaKatoolika nomoongerki oonkwaLuther muSuidwes.

Melongekidho lyomusitagongalo gwongerki yetumo lyAandowishi mUushimba, Althaus, egongalelo ndika lyesiku lyaPaasa, itali ka tala keitaalo lyomuntu nenge okolwaala lwe. Ayehe oya hala okukala koho yoonkondo dhombinzi yehanganitho lyiigwana yaKristus. Shika osho sha ningi oshiyagaya meho lyongerki yOombulu.

Oshigongi oshitatatu mokukundathana natango omadhiladhilo ngaka ga simana, nkene taga ka tsakanithwa pawiliko lyaKalunga, otashi ka kala ko ngiika komeho.

KALUNGA E TU SIMANEKA

Otse aantu katu shi iinima yowala. Kombanda yevi, kaku na nando oshishitwa shimwe she tu fa. Kalunga okwe tu pe olutu, omwenyo gwoondunge yi ili lela. Okwe tu shiti oshifetha she.

Kristus oye omumwatate, ngashi aantu yomuuyuni ye na oohe yimwe, ano osho wo natse naKristus pambepo. Aantu naamwahe panyama, oye na he gumwe nuuthiga wawo u thike pamwe, osho tu natse naKristus.

Kristus mwene ta ti: "Otandi londo te yi kutate nokuhu yeni, Kalunga kandje nokuKalunga keni." Joh. 20: 17. Ngele tandi itaale shili, Kalunga nena otandi pewa omaganano agehe gaKalunga noondunge noonkondo nekulilo nelago lyokomwenyo.

Ano okukala omumwahe naKristus, osho oshinima oshinene notashi etele ndje uwanawa. Kalunga sho ta simanekitha ndje nesimano olindji ngeyi, otandi wapa ngiini okwiiundulila muulunde ndi vulike kokahalu nokusatana? Ondi kale ngiini ngashi oshiyamakuti shoka kashi na oondunge? Shivalelwe!

Edhina lyandje olya simana nesimano lyandje ondi li na muKalunga, nokukala kwandje muye, okuvule esimano alihe lyomuuyuni. Ongame ondi na esimano lyandje muKalunga Omuwa gwandje.

Ev. Fridrich Filemon Kondjila

Omuntu nasatana

Omuntu oha kala omukriste gwolela nenge omuyamba nenge omunandunge nenge omunambili nomwiidhiliki gwaayihe. Moluwanawa mbono e u na, satana ote mu ende pamukalo ngoka kee na ompito oku shi dhimbulula kutya ota yonuka.

Satana ote ku pe uunkolwi, eliko lyoye li kanene mokunwa lyo li pwe po negumbo li yonuke po. Satana ote ku pe omalundilo opo u kale momapangulo nokufuta kehe esiku. Ote ku pe oluhondelo, opo u kanihile mo omaliko goye nomwenyo gwoye nokuli.

Satana ota makele nomamakelo ogendji ngoka ito vulu oku ga dhimbulula, ga fa naana eopalo nesimano. linima mbika satana ote yi ningi opo kuu ye moshilongo shaKalunga moka wa manguluka wa vululukwa, to nyanyukwa esiku kehe nou na ombili.

A.H.I. Mongola

MENI LYAAFRIKA

Uganda lya thiki oshikondo shomaitaalo mepangelo

"Uganda oshilongo sha kala nomaitaalo goontamanana, ihe oontamanana ndhoka odha hulu po ngashingeyi pamwe nepangelo ekulu," osho Ndjayi Idi Amin Dada, a popi ongomupresidente omupe gwoshilongo shaUganda, konima yomasiku omashona sho i ikuthile epangelo naakwiita, ndyoka lya kala miikaha yaMilton Obote, muJanuali 1971.

Moshigongi shoongerki adhihe dhi li muUganda; yaKatolika paRoma, Ongerki yaUganda (yaAnglikani, yaOrtodoks, yaAkwiita yehupitho (Salvation Army), yaAshaluli, Aamoslem, Aahindu naAkwashiveva, omuleli Amin okwe ya lombwele kutya, naye shi inekele ashike kutya, Orepublika yawo oya tame ke okukalamwenyo okupe kwenyanyu, ndyoka tali ka landula omapipi agehe taga ka landula, kewiliko lyaKalunga.

Opo Uganda li ulukile iilongo iikwawo yaAfrika komutse gwondjamba, kutya elongeloitaalo moshilongo kashi shi oshinima shuudhano, osha simana ngashi wo iinakugwani-

longo tashi endithwa koshikaha shaKalunga, osho J. M. N. Zikusosa, a ti ngoka e li oministeli yiilonga noyomakwatathano.

Ngashi Afrika alihe li li, osho wo Uganda olyo oshilongo oshikriste lela nomwalu gwaakriste 75. Aamosiem 6. yomaitaalo galwe goshipagani 39. Okukala akuhe kwoshigwana pankalathano, paputkko, pakteku osha nwehwa mo kelongeloitaalo, onke kape na nando epangelo taji vulu oku shi fulula ko, ngele otali idhimbike aantu ye thike mpoka ya kwatathana neitalo. Omusamane C. Ntende, oye li ngashingeyi oministeli yiinima yeitaalo.

"Nguka omukondjeli gwnmbili omuhupi



Omuministeli Idi Amin a ongaleka ovafita nokukundafana navo omaudju eengerki fimbo oshoongalele shaxuuninwa shetokolo inashi ningwa. Ye mwene ita monika mo mefano.

thwa iikwawo wo, oshikondo shiinima yopaitaalo osha dhikwa.

Uumbanda mboka wa hololwa ngele pamwe epangelo komukalo nguka otali egululilwa oshielo shokwiidhopa miinima yongerki, konima yoonkundathana dhethimbo ele osha ye lele aawiliki yoongerki kutya, uumbanda mbuka kau na omukanka nepangelo ngele lya hala oku shi ninga otali shi vulu, nonando kwaa na ombelewa yiikwangerki mepangelo.

Oshigongi sha hugunina okuthika metokolo osha ningwa 1-6 Juni 1971, moka mwa li mwa gongalele aahiywa yoshituthi 400 ya za momaitaalo agehe muUganda. Moshigongi shika omwa kundathanwa omaudhigu gongerki koombinga adhihe muungundu wi ili nowi ili mboka wa wilikwa kooministeli dhepangelo lyaAmin.

Osha dhimbululwa nuupu kutya omaudhigu noothina dhongerki odha etwa nemanguluko nosha popiwa montaneho kutya epangelo lyaUganda olyo he yoshilongo ngoka e shi kupulakena neidhidhimiko.

"Epangelo lyetu otali kongo ewilikwa lyoshi-

thi a tumwa kuKalunga oku tu hupicha koluhepo lwondjala nomomangwandjuiathano," osho aantu muUganda ya tumbula mokudhiladhila omupresidente. Amin.

Amin, oha kala momalongelokalunga moongerki nomootempeli, miipopwiwa ye iha kala ina tumbula Kalunga, okwa kongo aluhe uukuume puushinda nomokati kaantu ye, "OmolwaKalunga nomolwaantu yandje" osho ha tumbula.

Omukalo gwokudhimbulula eitaalo papangelo, ngashi lya dhikilwa oshikondo shalyo mepangelo, osho oshinakugwanithwa shoka she ethiwa miilongo oyindji. Ihe osho wo ondhimbululo ompe yuuthiga uukulu waAyafrika, mboka wa kala kau na eyooloko pokati keitaalo nokukalamwenyo kwesiku kehe, okuza eitaalo sho lya ningi lyoshilongo shoka.

Omatumbulo ngaka oga tumbulwa komuprofesori Jonh Nbiti, moUniversiti yaUganda, ngoka kwa li wo omunashipundi mongundu yokomitiye yokukonakona iilonga yoshikondo shomaitaalo.

Africa Acts

Engela la ninga 50 da dja kep. 2

MEnongelo loyayakuliongalo mwa kala ee-nehle dovakwaneongalo aveshe va hala oku ehena komesho mokushiiva Ombibeli. Ohamu kala eengudu dovawiliki veengudumbibeli, ovahongifikola dOshoondaha, ovanangeshefa, oovene vomikunda, dovakulunhuongalo, dovataleli, nodaavo tava endulula ile tava twikile ehongo lavo.

"Repetitio est mater studiorum"-Eendululo olo ina yeshiivo osho meme Raili Seppälä a tonga, umwe wovahongi hava hongo mEnongelo loyayakuliongalo.

Eshi okwe shi popya mekwatafano nouteku wooina yoshiwana shaWambo oo wa hovela mEnongelo konima yeedula nhatu, eshi oukadona wa hovela naanaa okutekulilwa oshilonga nefiloshisho lomaumbo pafina leendjovo daKalunga. Eshi meme Raili ine shi tala unene kutya onghedi ipe nde oshilonga ashike sha twikila kwaasho sha hovelelwe kumeme Suoma 1924.

Fiku olo yo leyeululo lomitungo mape eti -23.9.71, okwa kala oshivilo shepito lovate-

AAPILISTELI OTAA ZI PO MIILONGA

Oku na ngashingeyi aapilisteli 434,000 mongerki ayihe yaKatolika nokonima yomimvotano mo-1975, aantu 15,500 oya tengenekwa taa ka yapulilwa oshilonga shoka, pakonakono lyombeleva yomiyalu dhaanashilonga moshilando shomupapa, Vatikan Rooma.

Pamakonakono gamwe, aapilisteli 8,287 oya indila ya ethe po oshilonga shawo pokati komimvo 1963-69. Nongundu yi thike lwopo-2,800 otaku ti, oya za po owala inayiyi laleka. Mo-1969 oopelesenda 95 dhaapilisteli otaku ti odha za po patokolo lyoku ka konga ondjakana.

Oku na wo yamwe mboka taa thigi po oshilonga shawo omolweitaalo lyawo tali huhwa, ihe mboka kaye shi unene oyendji. Ngele to gongele aapilisteli 20 shila oto adha mo gumwe awike ngoka a nkundipala meitaalo.

Southern Cross




Meme Raila Seppälä ta hokolola ehistolli lofikola youkadona mEngela

kuliumbo 24 novamati vatano, eshi va xulifa ofikola yavo yeehani 9. Olwotete mehistoli longerki yetu nolEnongelo eshi ovalumenhu yo va monenwa outeku mefiloshisho leumbo sha kwata eembinga dihapu, nosha yela kutya itashi ka kala yo shauxuuninwa.

Ongudu yotete yovatekuliumbo oya pitile 1968.

Omubishofi wongerki yaElok, Dr. Leonard Auala, ou a yeulula omitungo mape okwa popifa ongudu yovashivwa kutya onhele noma tungo aa oyo oshali sha dja kuKalunga mwe ne, osheshi Kalunga oye mwene a udanekayo kutya, ngenge ta yandja onhele komunhu, okwa hala okukala melumbakano naye. Amushanga gwooprojects dongerki (oilongafaneko) yaElok, Olle Eriksson, okwe shi hc-



Mesitela Wilhelm Mwaningange ta wilike ongundu yaatekuligumbo.

A KUTHWA OMAPITIKILO GE

Egongalo kehe oli na elelogongalo lyalyo ndyoka lya hogololwa kegongalo lyene. Olyo esiloshimpwiyu enene megongalo kehe. Oyo aakuluntu yegongalo. Aakuluntu mbaka, oya dhiladhililwa okuhunga oomwenyo dhaakwanegongalo noku dhi sisidhila popepi nomushigakano gwaKristus.

Uuna ihe omukwanegongalo a yono, e ta dhimbulula uunkundi we omolweyono lye, ota vulu okuyakulwa kelelo ndika nehala lya manguluka. Elelo olyo tali utha kutya uunake tali gongala, opo li pulakene iimpwiyu nomaudhigu gaantu mboka taa holoka esiku ndyoka.

Osha li oshinima shotango kungame uuna nda yile ko kelelogongalo lyaandjetu sho lya hiywa kutya otali gongala uunake. Otundi 12 yopomutenya oyo nda thiki poshinyangagongalo. Aakuluntugongalo pethimbo ndyoka kaya li ya gwana po natango, oya kala taye ya okanamundonda. Pombali yokomatango, opo ya ka gwana po.

Aakundwa otwa holokele po oyendji lela. Omalufu oga kala taga gandjwa pakuya mo kwakehe. Ngame wo olufo lwandje lwa thiki, onde lu pewa pohamano yongulohi. Sho nda yi mo, onda eta uudhigu mboka wa enditha ndje, nonde indila ombili omolweyono lyandje.

"Ombili inatu yi ku kutha, otatu yi ku kutha manga, ngoye u ke yi pewe nawa shila komeho," olyo eyamukulo nda pewa mo ndyoka.

Inandi vula we okuya mo metokolo lyaantu. Sha ti ngawo. Ongula yesiku lya landu-

lola moshipopwiwa shaye nhumbi ouwa woma tungo wa dja moukaume ou u li pokati kovaitaveli mounyuni nEnongelo eli. (Tala ehoko lolo loilonga yovaitaveli mEnongelo moshifo eshi).

"Nye ookaume kEnongelo, twikileni oshilonga sheilikaneno nosheyakulo. Nye ovane-nenhu, ovafimanekwa vaUkwanyama, ovakulunhu vetu, pwilikineni eyakulo leni, Ounyunu owa ehena komesho, oikwanoipangifo tai ka pumbiwa, ndele ekwafo leni tali ka teelwa natango. Ovadjailongo tava ka enda nokupitilila onhele ei, otave i vandamene, e-tumbalo leni tali ka twalawa kokule, nge tava shuna oko va dile", osho tate Mufeti a indi la nomwenyo muwa ookaume konhele youte ku wopakriste mongerki yaElok.

la ko osha li Osoondaha, mongerki ondi igidhwa kutya onda kuthwa omapitikilo gegongalo omolweyono lyandje. Omwenyo gwandje inagu ihwena nando, ondi itsu omukumo nEps. 1.

Elelogongalo sho lye ki igidha, onda yi ko natango. Sho nde ki ithanwa mo palufo lwandje, nonda pulwa shono she enditha ndje, shono sha kundu ndje okwa ti owala:

"Ngweye mwene sho wa kala nale megongalo ndino, owa mona lye a shunithilwa omapitikilo ge ethimbo li thiki mpono, za po, u thikame po nokuli mpo!"

Okupitamo ongo nda gwile miikaha yasatana. Omamakelo osho nee ga ka adha ndje. Konima yoomwedhi mbali, aakadhona yaali oya holoka maandjetu ye na omala gandje. Komagongalo gamwe kandi shi wo kutya, omayakulo kaakwanegongalo, ohaga ende ngiini. Ngele nani shi li kOnkumbi osho shi li kEwale, ondeveli inayi pewa uusama mokumona eha moomwenyo dhooitaali yaKalunga pamukalo nguka.

(Omulwanegongalo mongerki yaElok.)

Ihali udika ngenge tali ende

Eti-12.10.1971 eflyo ole tu kufa omunyashamati wetu umwe Hafeni Jason. Oye okwa pita nga aha lele po. Eshi a twalwa meendelelo moshihakulilo shaShomeva efiku tu olo komatango okwa xulifa. Tate Kalunga na hekeleke ovakulunhu vanakufya neendjovo Joh.11:25-26. Jason okwa dile keongalo laElim.

*Laban Nanghaku
Kombata*

Aagundjuka yaElok oya kutha ko oongaku

Oshilonga shomokati kaagundjuka o-tashi ulike omumvo kehe ekoko neyo komeho nokape na nando ompadhi yi mwe tayi shuna mokulalakanena oshilonga shetumo. Shoka sha ningwa nonuumvo mOkahao kaagundjuka, oshi iholola nawa kutya, mokati kawo ka mu na nando omugundjuka a hala oshi mpungu shawo tashi si omwiidhi.

Aagundjuka ye vule 400 oya li ya gongala mOkahao pokati kaSetp. naKotoba. Mongerki onene yaKahao aagundjuka oya popithwa niipopiwa naambyoka tayi ya putudha mokukalamwenyo kwesiku kehe.

Shoka ngiika sha li oshipe moshigongi shaagundjuka mOkahao, osho omukalo gwomakonakono giilongwa ye yi ilongo moongundumbimbeli dhawo, nosho tuu ethimbo lyegalikano ndyoka ye li ningi moongundu noongundu, nethigathano lyokwiimona ekopi lyesindano.

Kashi shi aluhe oshipu okumona shono tashi hwamitha aagundjuka nena nenge ngula noto shi zimine pamwe nomuwiliki gwawo Rev. Kleopas Dumeni sho a hokolola mehokolo lyomumvo lyoshilonga shomokati kaagundjuka kutya, shono sha pumbiwa osho aayakuli ya putudhilwa oshilonga shika.

Shika oshinima shimwe shomokati koyindji mbyoka Epangelongerki li na oku yi tongolola kekwatho lyEwilikongundu lyomokati kaagundjuka, ngashi ando tu tye; okuhakana aagundju-

Omusitagongalo gwaagundjuka tate Kleopas Dumeni, okwa hokolola mehokololo lye lyomumvo nokupandula oshilonga shuukongindjila mokati kaakadhona. Ota indile ando ku monike wo ewiliko ewanawa no mokati kaamati aakongindjila. Efano ndika pevi olya fanekelwa moshigongi shaakongindjilakadhona nuumvo moshituthi shoovvula ntano dha gwanithwa mOngerki yaElok.

ka mboka taa mbombolokele moosikola opo ya kwatakanithwe mehwa mo lyaamboka inaa mona ompito yomoosikola nenge omambo tage ya opalele mwa dhiladhililwa oshifo shawo ngashi tate Dumeni eyi tumbula mehokololo lye.

Sigo oompaka kape na ngoka e na iitya okutumbula kehalo ewanawa ndyoka tali longo mokati kaagundjuka molwoshilonga shawo ngashi tashi ho-

Omumbisofi Dr. Leonard Auala, nando ke na ethimbo lya gwana, olwindji okwi imangulula muupyakadhi we ulwe, opo a tale aagundjuka yongerki nkene taa gongala miigongi yawo. Mefano ndika ota monika nkene te ya hokololele elongelokumwe lyongerki yaElok kumwe noongerki oonkwawo muuyuni. Efano olya kuthwa moshigongi haagundjuka omumvo 1970, mOngwendiva.

Hasho sha li nale eshi

Emanguluko ola eta paife oshiponga nomadiladilo mai momitima doonakudala ava ve na omafiku mahapu. Meekulu okwa kulupa, oku li monduda, kape na ou te mu file oshisho. Oto hange ta endele konhondje ta ka eta omeva momhindo, osheshi eenghono dokudula oshitoo ke di na.

Omona okakadona oka ya kOruakana ile kOshakati, vati okamanguluka, otaka i apa ka hala. Kee na konasha naava kwa li ve mu kuminina, ve mu nyamifa. Kaxuxwena hadela nyoko, eshi oshi na natango eenghono notashi pulwa komunyasha keshe wopefimbo eli, omumati ile okakadona.

J. H. Kandume

loka wo mpaka:

limaliwa ya gongelwa kuyo oya li ngeyi:

1. Uuninginino	R2129.88
2. Ondonga	1582.18
3. Uukwanyama	978.50
5. Kavango	216.19
6. MUushimba	93.70
Omadhindhiliko ga eta	71.00
Oongalo	82.96

Kumwe R 5154.41



EIGANDJO MIIKAHA YOMUWA

Omuwa esimano lya ninge lyetu, aawe, nali ninge lyedhina lyoye. Omolwesilohenda lyoye nomoluudhiginini woye. Aapagani oshike ya tye, Kalunga kawo oku li peni ano? Ihe Kalunga ketu oku li megulu, noshaa shoka a hala ote shi longo.

Iikalunga yawo oyo iisiliveli noshingoli, oshilonga shiikaha yaantu. Omakana yi ga na, yo ihayi popi, omeho yi ga na, yo ihayi nika. Iikaha yayo ihayi longo sha, omagulu gayo ihaga katuka nongashi ihaayi popi nomilungu dhayo. Mboka ye yi hongo otaa ka faathana nayo, nosho wo mboka ye yi inekela.



IILONGA YOOITAALI MENONGELO

Oshituthi sheegululo lyomatungo omape mEnongelo Iyaayakuligongalo, mEngela eti-23.9.71, osha li sha etelwa ehokololo komusamane Olle Eriksson, amushanga gwiilonga yoopulanda dhongerki muElok. Tate Olle oye omuthikithi gwoma'ndilo gongerki kombanda yomafuta noye wo omuyakuli gwomakwatho taga zi kondje moopulanda dhongerki. Mehokololo Iye okwa ti:

Ekwatathano pokati kEnongelo nomagongalo getu naakwanegongalo yetu, otali monika nawa nena. Ekwatathano limwe oli li po kati kEnongelo ndika nongerki dhimwe dhi li kombanda yomafuta.

Egongalo limwe muSoomi, olya uvaneka okugongela iimaliwa omolwoompumbwe dhi ili nodhi ili dhEnongelo. Aalongi yamwe oya zi kOsoomi ya tumwa komagongalo gawo, omolwoshilonga tashi longwa mpaka mEnongelo. Oondjambi dhawo otadhi zi momagongalo gaandjawa. Ekwatathano ndika olya kala ethimbo ele.

Ehangano limwe tali longo mongerki ndjoka yomuSoomi nomekwatathano nOngongahangano yaakwaLuther, olya kwatha iimaliwa Ekwatathano epe olya holoka ngashingeyi pokati kEnongelo nongerki onkwaLuther muSweden. Iimaliwa ayihe konyala omolwomatungo omape gEnongelo, oya zi muSweden.

Nkee iimaliwa ya holoka

Opwa piti nokuli oomvula dhimwe ongerki sho ya tokola okwiindila ekwatho Iyiimaliwa kOngongahangano yaakwaLuther, omolwEnongelo Iyaayakuligongalo. Eindilo lyotango olya li lyoompumbwe dhEnongelo, etiyali omolwoompumbwe dhosikola tayi kwatha oshigwana.

Ongongahangano yaakwaLuther sho ihayi gandja iimaliwa, tayi popile a shike omaindilo, oya tumu omaindilo ngaka komahangano taga longo mekwatathano nayo, ngashi ndyo ka li li muSoomi, nomuSweden, tali ithanwa "Ekwatho IyaLuther". Limwe muNdowishiland tali ithanwa "Omboloto yuuyuni".

Ehangano lyomuSweden petameko lyomumvo kehe ohali tumu aagundjuka kegumbo kehe lyomuSweden (Tala, omu na aantu oomiliyona 7-8) nokugongela iimaliwa. Omagumbo oge thike lwopoomiliyona mbali. Mowambo ngiika ope na omagumbo 50, 000. Ehangano ndika ohali gongele iimaliwa oyindji omolwekwatho koombinga noombinga muuyuni auhe.

Aagundjuka mboka ohaa fatulula oompumbwe dhi li muuyuni notaa gandja uketha, nenge uupakete moka aantu haa vulu okutula ekwatho lyawo. Mosoondaha yiyale akwanegongalo mboka ya hala okukwatha, ohaa ya komambo nuuketha wawo. Osoondaha ndjoka, aantu ohaa gongala nawa ye vule shico.

Uuketha mboka ohaa tumwa kehanganu "Ekwatho IyaLuther" okutsakanitha omaindilo ga holoka. Pamukalo nguka, ongerki yetu (ELOK) ya pewa iimaliwa omolwomatungo niinima iikwawo ya gandjwa kEnonongelo. Iimaliwa ya monika omolwEnongelo, oya adha R136,000.

Elalakano oloyo okutaan delitha elaka Iyehupitho nolyekwatho Iyaantu ayehe mevi ndi.

Omudongerki da dja kep. 2

nhe deilikano, efiku lotete leilikano olo efiku lelidilululo, etivali olo lehambelelo, etitatu olovanyasha netine olo leyelifo leitavelo. Oshoondaha onhinhanu okudja kefiku lenyumuko, oyo Ohsoondaha yeilikano.



Suidwes otali ehene nawa komesho

Suid-Afrika okwa li a mono onghenda yoku eta natango ehokololo laye moshooongalele shaaveshe shaV.V.O, osho sha tamekele eti-21.9.71. Dr. Higard Muller, omministeli yoi-kwapondje yaS.A. oya hokololela oshooongalele oilongo yaS.A., muSuidwes kuhena vali.

Omadumbo

Okufatulula osho tashi ningwa meenhele dovalaule, Dr. Muller okwa ti kutya, oku ulika nhumbi S.A, ta yandje oufemba kovadalelwa mo, otashi monika eshi ta yandje eeveta domalipangelo ngashi sha ningwa mOwambo noKavango, omo sha ehena komesho neenghono. Oilongo ya tumbulwa apa, keshe shimwe oshi na oikandjo yomangelo ayo, osho mushamane Muller a ti.

Okwa ti oku na natango ovadalelwamo ovo tava longekidilwa panghedi ei, ngashi Eematili kOrehopoth, Ovadamara novanhu vokOkaprivi ngashi voo vene ve shi hala.

Omaxupilo

Ministeli Muller okwa ti, nande oikeleketi tai imbi eeheno komesho meliko laSuidwes, ngashi onunini womeva neendjila dile, shihapu osha ningwa po kepangelo laS.A. Mwashi okwa ulika Owambo omo a ti kutya epangelo ola tilashi eemiliyona dihapu doimaliwa, Mo-1960 okwa yandjwa R145,6 mil. nde mo-1969 okwa yandjwa R368,9 sha indjipala luvaali.

Suidwes noilongo yaAfrika

Omushamane Muller okwa tala osho hashi likolwa muSuidwes nokuyeleka noilongo ikwawo muAfrika okwa ti kutya, eshi osha denga pombada filufilu. Zambia okudulike lutatu.

Eshiiwifo kookaume kEtumo

Ovayeleele ova pumbwa eembale unene, o po va tunge oilinda, oimbaba, oimbale no sho tuu. Tu kwafeni mu tu kongele eembale, osho yo oipandi yeehomo inai ekelwashi, nayo ohatu i pumbwa unene. Oinima ei ngenge tai monika nai ongelwe? pEngela ile pOniipa.

Tangi unene eshi tamu ke litula mo.

Sakaria Nghikefelwa
Kongo

Efano eli ombinga imwe yetungo linene lava-tekuliumbo tai monika, omo momudile wayo oshivilo shinene sheyeululo lomitungo osha li sha ongala. Ovanhu konyala omafele ane okwa li va ongala moshivilo eshi.

Tanzania olwomulongo, osho ministeli Muller a ti. Kongo, Tunisie, Kenya, Ethiopia naLiberia oya etwa meyelekanifo neendjila.

Eepoosha, eetelefono deenghundana (FM), ei aisho oya li mehokololo laMuller.

Ehongo

Kwaasho hashi hongwa muSuidwes, omushamane Muller okwe shi popila unene kutya oshi li pomufika naanaa wovalaule, paputuko lavo notashi ningwa ngashi yo sha hokiwa paife muAfrika alishe. Ye ina koneka nande etongoko lasha mehongo lovatilyaane nolovalele. Kombinga youhaku okwa ti yo owa ehena lela kokule shi dulife moilongo ya tumbulwa pombada muAfrika.



Omutumwa amushanga gwomukuluntutumwa okwa ka fudha po manga kuSoomi. Amushanga meme Helka Honkanen, nande a kala a mangwa aluhe kiilonga yombelewa, okwa matuka omathimbo nomathimbe okutalela po oshilongatamo, unene kAayeleele yokOnankali. Meme Helka ina longitha ashike eliko Iye okuyakula aantu mboka, ihe olwindji okwa longitha oonkondo dhe mpoka sha pumbiwa, ngashi omokukokala epya lyetumo kOnankali nenge okuhupa omuthima gwomeya. Meme Helka iha pewathanwa kwaayehe mboka ya longo pamwe naye.

Suidwes natango otali kundathanwa Pwa pita ngashingeyi iiwike yi vule ihama-no sho oshigongi oshinene shiigwana ya hangana (V.V.O.) sha tamekele omutumba gwasho muNew York ngashi hagu kala ko omumvo kehe. likundathanwa iinene momutumba gwonuumvo oyo okutaambela Kiina Iyaakomunisi muukwashilyo wehangano ndyoka nokukoleka etokolo lyompangu yuuyuni muDen Haag, opo S.A. a kuthe po elelo lye kombanda yiigwana yaSuidwes.

Oshipotha shika shaS.A. omolwaSuidwes, osha falwa mbalambala shi ka kundathanwe moshigongi shEwilikongundu lyegameno IyaV.V.O. moka iilyo oyindji yEwilikongundu ya gandja nale omadhiladhilo gayo moshinima shaSuidwes. Franisa ngoka e li gumwe gwomiilyo yEwilikongundu ndyoka ya simana okwa gandja efaneko lye kutya; "Ando S.A. ya kundathane naV.V.O. yo ya tale omukalo gwokufala aavalelwamo yaSuidwes memanguluko Iyo lyene. S.A. ina dhina ashike omalombwelo nokushundula ooveta dhokugamena omaludhi gaantu, ihe oye ota dhipaga wo uukumwe wevi ndyoka ta ti kali li we megameno lyomuntu."

Efaneko ndika olya pandika unene ku-Britania, Italia, Belgie Argentina, Japan naKiina. Ihe yamwe ngashi Poland, oya hala S.A. a ze mo mbala muSuidwes, nokomitiye ndjoka ya dhikwa nale muV.V.O. yokulela aniwa Suidwes, yi na iilyo 11, oyo yi holoke mbala mOvenduka noyi tameke iilonga yayo. Iilongo ayihe mEwilikongundu lyegameno IyaV.V.O, oye ekelahi omukalo gwomavigumbo ngoka gwa tulwa po kuS.A. noku gu tala ogwo tagu opalele eipangelo Iyiigwana yaSuidwes.


Amerika okwa kolekulula omadhiladhilo gOmpangu yuuyuni kutya, S.A. muSuidwes na ze mo ashike. Iilongo yaAfrika oya hala ekwatathano IyaS.A. nuuyuni wopondje miinima ayihe li teke, shika osha tindwa kiilongo iinankondo yokuuninginino waEuropa. Ye Ivoorkus muAfrika, okwa panda omukalo gwAasuidwes ya ninge ehogololo, ihe haandyoka Iyopokati kaS.A. naV.V.O. Okwa hala ya kundathane ashike nkene eipangelo tali endithwa notali gwanithilwa maavalelwamo.

Etokolo Iya monika

Omawi 13 gEwilikongundu lyegameno IyaV.V.O. oga tokola Suid-Afrika i ikuthe mo muSuidwes mbala pwaa na ngoka e ga kondjitha. Britania naFrankryk oyo ayeke yi ikutha mo inaa ganeka. Oraata ndjika yepopilo negameno ya V.V.O. oyi na iilongo 15: Nikaragwa, Argentina Belgia, Burundi, Kiina IyaTaiwan, Franisa, Italia, Japan, Poole, Siera Leone, Rusland, Britania naAmerika. Iilongo ya luudhikwa ihayi lunduluka nando muukwashilyo.

Etokolo otali indile iilyo mbika yi ikuthe melongelokumwe na S. A. momukalo kehe tagu kolekele S.A. muka. Iilyo kayi shi yomu V.V.O. nayo otayi indilwa yi kwathe mpoka tashi vulika, opo yi ulike kutya otayj koleke etokolo. Iilongo yilwe wo otayi indilwa yaalonge kumwe na S.A. miinima tayi kwatathana na Suidwes.

Engilanda naFranisa oyi ikutha mo metokolo ndika, oshoka nometokolo lyOmpangu yuuyuni oya li pondje yetokolo ndyoka. Ihe kombinga ya S.A. etokolo ndika nalyo itali mu lundululitha omatokolo ge gonale kutya, iinima ya Suidwes, itayi uthwa komuntu gwopondje, ihe oku S.A. awike ngoka ta kongo uuwanawa waavalelwamo.



Etungo IyaNgwediva dhingi

Ngashi tashi monika mefano ndika nomefano li li kombanda yoshifo shika, eopalo lyomutungilo gwaNgwediva kaku na we muSuidwes alihe. Efano ndika olupati lwetungo enene, ongulu yokugongalela pamalalakano gi ili nogi ili unene moohungi dhiinyandwa. Konyala aantu eyovi otaa vulu okugongalela mongulu ndjika.

Etungo ndyoka Iya tamekelwe lyotango IyaJuli 1969 tali hulu lyotango IyaDes. 1970 nolya yapulwa eti-6.8.71 komunisteli gwiinima yaaluudhe omusamane M.C. Botha. Nakutunga omatungo ngaka okwa pewa ombandi yesindano nuumvo mOvenduka, oshoka pamadhiladhilo goonkulungu dhomatungo inaku kala natango etungo Iya fanekwa nuunongo Iya fa osikola ndjoka onene yaNgwediva mOwambo.

Epangelo lyOwambo sho Iya tokola oshilando oshipe shOwambo shi ka tungwe mOngwediva, oli na etegameno li kale hali gongala omutumba gwalyo metungo ndika, manga ondjugo yepangelo yiigongi tayi pu okutungwa. Omusamane Jan Kemp, oye a tamba ombandi yesindano, koshikandjo shiinima yomatungo.



"Oshoka osho tuu nOmbepo ote tu kwatha muunkundi wetu, oshoka katu shi wo shoka tu na oku shi indila ongashika tu na okwiindila. Ihe Ombepo oye mwe-ne ote tu galikanene nomikemo kadhi shi okutumbulwa." Rom.8:26.

IIFONGERKI MOMUMVO 1972

Iifongerki yongerki yaElok, *OMUKWETU NEHANGANO*, otayi ka enda ngeyi omumvo tagu ya. Oshifo shOmukwetu ondando yasho oya lunduluka notayi ka kala ngeyi;

Oshifo shimwe ashike ota shi ka pula 5c

Ngele wa hala okwiilandela Omukwetu lumwe aluke omumvo aguhe, oto futu R1.00 ngele u li mUushimba nenge u li mOwambo, mwa yalulilwa oositamba.

Mboka ye li kombanda yomafuta otaa ka futa R2.00

Omukalo gwokwiinyolitha omadhina nogwokuhaltha otagu kala gu li ngashi shito. Osha yela kutya shika kashi shi enkawa lya dhenge moshipala shaamboka ye hole oshifo shongerki yawo.

Kombinga yoshifo sh*EHANGANO*, itashi ka holoka nando omumvo tagu ya. Mboka ya kala haa hupu musho, onawa ya tengukile koshifo shOmukwetu, oshoka iilyolwa yasho, otayi kala hayi holoka mOmukwetu. Inaku tseyika manga otashi ka holoka we uunake.

Etseyitho

Ewilikongundu lyiiyenditho yOngerki yaELOK, otali pumbwa omuntu opo a ninge omuyakulidhiginini gwiiniwe. Na kale e na onzapo yaJunior nenge Senior/Matrika. Ondjambi ye otayi uvathanwa naye ngele a holoka. Omaidilo otaga tegelelwa pamwe nonzapo nenge enyolululo lyonzapo na omaidilo ga tya ngaaka otaga tegelelwa sigo opehulilo lyaNovomba 1971.

Tuma eindilo lyoze KEwilikongundu lyiiyenditho.

Oniipa

Privaatsak 2018,
Ondangwa

Ongalasho yOngerki ya Elok, otayi landitha iihauto yooLand-Rover. Ngoka wa hala okuwa nawa kombinga yiihauto, holoka kongalasho yongerki, kOniipa nenge u pule mongodhi yonomola ndjino "Ondangwa 41."

OSIKOLA YUUTEKULIGUMBO

tayi tameke, ngele Kalunga e shi hala, pe-tameko lyaFebuluali notayi ka hula pehululo lyaSeptemba 1972. Ofuto yosikola R 10.00 Aamati naakadhona mboka ye na ehalo okuya mosikola naa tume, manga Desemba inaagu sa, oombapila ndhoka:

1. Onzapo yosikola yahugunina
2. Ombapila yegongalo
3. Ombapila yomupangi
4. Epopilolo lyomulongi (nenge lyomusita)
5. Eindilo lya nyolwa kuye mwene.

Ngoka ta ka taambwa otaka tseyithilwa muJanuali.

Omukuluntu gwosikola yuutekuligumbo Engela.

kwetu ta pula R 4.00 komumvo R 8.00 ngashi iifo iikwawo yi li po. Shoka tashi tu kumitha notashi tu hambelitha Kalunga osho shoka kutya, ongerki yetu oyi na oshifo shayo yene, ewi lyayo tali holola oshili yehupitho kaantu yayo, nando kape na onkondo dhokwiihumbata.

Twa aluka

Ookaume, twa aluka kOkatana. Osho mwe tu ningila, osha wanifwa. Eefiye nookaume komufi va fika pombila yanakufya. Ohatu mu pandula onye ovafitaongalo vomEngela omolwongalo yoshihauto, ohatu pandula ovayevangeliste 15, omufitaongalo Paulus Andreas, Kongo, Rev. Mikael Nengola, Onhelelwa, Adolf Hangula, Ongenga, Abisai Shejavali, Ongenga natate Silvanus Vatuva, omolwoshihauto shoye nokushinga. Tate Kalunga ne mu yambeke alushe ovo mwe tu kwafa momailikano nge mongalo ile mo-kweenda pamwe nafye.

Ponhele yeefiye, Gideon Shakalela

Endelela u inyolithe Omukwetu

OMUKWETU

Oshifo shOngerki onkwaevangeli paLuther yomOwambokavango
Die Nuusblad van die Evangeliese Lutherse Ovambokavangokerk
Oha zi mOniipa,
Omukuluntu gwoshifo/Hoofredakteur Omumbisofi Dr. Leonard Auula,
Amushanga/redakteur Sebulon Ekdandjo
Ondando komumvo mOwambo 70c, kUushimba noKavango 90c

Kombanda yomafuta R1.30.

Oondando nomambestelo naga tumwe kOmukwetu,

Oniipa, P/B. 2015, Ondangwa S. W. A.
Oshinyolwa shuule

wondeimi	1	otashi futwa	R1.00
oondeimi	2	"	R1.19
oondeimi	3	"	R2.70
oondeimi	4	"	R3.40
oondeimi	5	"	R5.00

Oto vulu okutuma efano lyaashoka wa hala shi tseyithwe nomatumbulo wo gasha ngele ope na.

Ewilikongundu lyiifo lya yamukulwa

Ewilikongundu lyiifo yongerki sho lya gongala mOniipa omasiku ngaka olya li li na eipulo ngele osha pumbiwa tuu ondando yoshifo shOmukwetu yi lunduluke, oshoka opo ya adhika ya lundululwa konima yoomvula ndatu Moses Amkongo, omukuluntu gwOshinyanyangidho, okwa gandja uuyeleele mbuka.

"Ope na ompumbwe onene ondando yoshifo yi lunduluke, oshoka oondando dhiinima yilwe ayihe konyala odha lunduluka, ngashi oombapila, noositombe. Sho hatu nyanyangidha Omukwetu e thike 5,000 palumwe nenge 10,000 omwedhi kehe, nena aaleshi ohaa eta ashike R 2,500 lwampoka, komumvo.

lilonga yoshifo shOmukwetu ayihe-yihe otayi pula R 5,400.00 menyanyangidho alike inaamu gwedhelwa ondando yoombapila niilongitho yilwe. Shoka otashi ti: Omukwetu okwa li e na okulya ongunga palwe yooranda dhi vule 2,800.00, opo a vule okuholoka omumvo aguhe."

Osha li sha yeleka nani ngele Omu-



Omufita wovanyasha

Omufitaongalo Elia Haipinge, Olupandu oye a nangekwa moshitaingerki shUukwanyama a kale omufita wovanyasha moshitai osho. Tate Haipinge okwa longa paife oshilonga shouhongi eedula hamano mOlupandu, omulaadi noku na natango eenghono dihapu. Oku na eedula 43.